

Արդ 'ի սոյն ժամանակի նեղեալ միարանաց 'ի բռնութենէ այլազգեաց, վասն գերեզմանատանն որ ասի՝ ճարնէր. և Արարացիք կոչեն զայն Ապո- Բոս և կամ Ապո- Սոս. իսկ Մեսրոպ եպիսկոպոս իրբեւ ոչ կարաց վճարել ինչ յերուսաղէմ, և ցածուցանել զցասունն այլազգեաց, հարկադրեալ էջ յեգիպտոս, և բազմութեամբ ժողովրդոց յանդիման եղև Մէլիք Աշրաֆ Սէյֆի Սուլթանին, առաջի եղեալ նմա զհին հրովարտակս. զտառապանս և զգրկանս ազգին իւրոյ, զոր կրէին յայլազգեաց երուսաղէմի սակս գերեզմանատանն այնորիկ. ապա խնդրեաց բաւեալ զնեղութիւնս նոցա, և թոյլ տալ հանգիստ վարել զկէանս յաշխարհին յայնմիկ, և առանց տուգանաց խաղաղութեամբ թաղել զմեռեալս իւրեանց, իսկ Սուլթանն կատարեաց զխնդիր նորա տալով հրովարտակ, և պատուիրելով մի և մի իւրք բռնանալ 'ի վերայ եպիսկոպոսին և միարանաց նորա, զի վարեսցին ըստ վաղեմի սովորութեան իւրեանց, ԼԹ (1402):

Արտաքոյ քաղաքին երուսաղէմի յաջակողմն ճանապարհին Բեթղեհէմի, էր յառաջագոյն վանք և եկեղեցի յանուն Մարկոսի Աւետարանչի, և գիւղ փոքրիկ. Մէլիք Ազիզ որդի Սալահատինի առեալ զայն 'ի ձեռաց քրիստոնէից, ևտ այլազգւոյ ուրումն Շէյխ Ահմէտ Ապի Թոս կոչեցեալ 'ի ժառանգութիւն յորդւոց յորդի. 'ի թուին Հիճրէթի ԹՂ (1198): Եւ յեա մեռանելոյ նորա թաղեցաւ անդ. և յայնմ հետէ կոչեցաւ տեղին իբր ուխտատեղի այլազգեաց. այժմ աւերակ, և երեւի խարխալեալ շինուած ինչ 'ի վերայ գերեզմանի նորին: Իսկ միարանք Յունաց ասնն զտեղւոջն զայնմանէ լինիլ վանք յառաջագոյն 'ի ձեռս Յունաց, ուր թաղեալ է Մոգեստոս երեց տեղապահ Զաքարիա Պատրիարքի գերեւոյ 'ի Պարսից, որ և դասեալ են 'ի կարգս տօնելի սրբոց: Իսկ գերեզմանատեղին Հայոց՝ զոր գրեցաք, է 'ի ճախակողմն սորին դէպ յարեւելս, համարեալ է իբր կալուած (վազֆ), սրոյ վասն Հայք կրեցին և կրեն նեղութիւնս մինչև ցայսօր:

Ի սաստկանալ բռնութեանց հարկահանացն եգիպտացւոց, որոց գլխաւորն էր Սիւլէյման Իսկ Աշրաֆ. զի պահանջէին հարկս նաեւ յուխտաւորաց: Իսկ Սարգիս եպիս-